

K29
H819
103(1)

中國方志叢書·華中地方·第一〇三號


據
民國二十四年重刊本
魏元曠纂修
影印

江 西 省

南昌縣志

(一)

成文出版社有限公司印行



10096884

中國方志叢書·華中地方·第一〇三號


據
民國·魏元曠纂修
民國二十四年重刊本
影印

江 西 省

南昌縣志

(二)

成文出版社有限公司印行



中國方志叢書·華中地方·第一〇三號

據

民國·魏元曠纂修
民國二十四年重刊本


影印

江西省

南昌縣志

(三)

成文出版社有限公司印行



89



中國方志叢書·華中地方·第一〇三號

據
民國二十四年重刊本
魏元曠纂修
影印


江西省

南昌縣志

(四)

56/104/026

成文出版社有限公司印行



10096881

中華民國五十九年四月壹一版

南昌縣志

全四冊

發行人：黃 成 助

出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

5/104/08

南昌縣志

民國二十四年
重印

重印南昌縣志序

邑之有志猶國之有史治邑者所不可無也豫章古之名郡南昌其首邑治尤繁劇非志奚攷焉邑之有志自清乾隆迄同治凡五修其前無傳者最近則潛園魏先生所修集五志之成定體要撰文辭於一手起漢渡江之年終清遜位之日前事備矣刊後板存學宮燬於兵燹震忝長斯邑懼文獻之失墜思續刊而弗易謀之邑人士別謀翻印以廣其傳竊惟國體變更古志所重在於紀錄今志所重在於政治似舊志不適於新令但欲創修新志而制度多未確定莫能據以成書千百年之文獻復爲邑人士之所尊仰而不甘聽其淹沒且先生之於是志尤先政治而後文采故詩文別錄而致詳於方域河渠賦役至氏族一志備具都圖使與方域互參今制畫戶籍於區保不進求之方域未遂得如瞭掌也人物之志直用史體述語多關治道政要每卷首小序皆於利害得失深切著明言之不僅爲典章之引雖不及今之建設亦如前史之足觀用於後世也爰序而弁諸端吉水曾震

重印南昌縣志序

志所以記事縣志所以備忘一縣事但亦非僅記其文獻也凡邑之大聖大賢大奸大惡文物典籍奇災禍變蓋無不足記者嗚呼善惡載諸志端傳之無窮可不懼哉乙亥春余長南昌南昌古郡固當有志叩舊令曾公方知邑人潛園魏先生最近所修志版燬于燹舊令不忍坐視本邑之大聖大賢文物典籍奇災禍變久而湮沒無聞與夫大奸大惡之倖得失傳也故謀諸邑衆得銀六千元重印几千部徵序于余余甫下車深虞有負職責將來再版之南昌縣志安知其爲余何可不懼哉是爲序

江蘇鹽城李萬里

重印南昌縣志序

中政府成立迄今二十有四年矣百度新造皆有資於因革之迹今邑侯曾公以家嚴所修之志於時爲近於制爲詳政教足資文獻攸係甫印一次板卽遭燬流布未廣搜求不易謀爲改印適_夏之邑財務會使董其事爰得本會同人暨縣政府佐治各區區長贊成斯役財務委員萬雨樓王鑑吾孫敬之熊時雨熊斯誠鄧清原周貫日彭守拙涂德謙梅金和黃理卿徐承周李右襄縣政府祕書解韶笙科長鍾策民胡景周區長周廷綬胡猷珍胡恒羅樂三吳伯祥駱光祖均任籌費之責職員彭育和胡超雷養素魏硯香分任讐校書凡一千部用幣銀六千圓閱三月而工竣非侯之勤思吏治與羣力之克任其艱不及此_侯承侯命從諸君之後藉昭繼述之績幸何如也若新志之不克創侯言之矣茲書其在事之艱者以告於後南昌財務委員會委員長魏覃仲融謹序

南昌縣志序

賜同進士出身誥授中憲大夫刑部浙江司改法部宥卹司主事加四級魏元曠

撰

邑宜有志久矣自漢建治沿及晉唐千餘年間政治文物已著於江表宋明而後乃
粲焉無所不備清有天下復百餘年乾隆初錢塘顧公瓚園令斯邑始爲志何其書
之宜爲而遲之乃至於斯也方明清盛時邑之名卿大儒鴻文博學之士暨賢牧令
能其事者先後相望夫今之志古之小史也因革損益之規民風物產利弊興敗之
攷胥於是乎在豈皆忽焉而不措意蓋牧令之有志於是者或以遷轉之故而不克
遂士大夫或服官從政而不暇其暇而勝著作者或不適遭其時抑亦皆重難其事
而不敢輕以之自任是以其書遲之且遲之至久而始有於顧公也是後乾隆五十
七年徐公斗垣修之道光四年阿公鏡潭修之越二十五年慶公書五修之同治九
年陳公簡齋修之豈非以其事之不可忽幸其述之易而爲之不可不勤邪歷光緒
甲辰復三十有六年而桐城江公雲卿舉其役以屬予時予官司寇方北行且重難

其事而不敢輕以之自任辭焉丙午二月公遇害丁未予以憂家居無以解於邑君子之責遂亦未敢固以不敏謝初顧公之纂斯志也所聘如瑞金楊竟庭鉛山蔣心餘峽江邊洪聲數先生皆海內名宿邑之龔稼生楊子載輩亦皆鴻博才人之選其書謹嚴爾雅厥後屢修輒互變其例以觀初志援訂贈博而典則遜之然顧書屬意於文未盡求周官小史之義體例屢變卒附麗未安予更釐其錄目易其編次昔太史公自敘有曰予所謂整齊其世傳蓋亦合諸志整齊之而已明年屬有遼瀋之行又明年居京師咸以其書自隨於時新政繁興教令建設日月異制書亦數更而不能定迨宣統三年十二月明詔遜位國內稱共和然後是書之制可得而裁也郡縣之朝三統之紀始漢渡江之年終清遜位之日總前志之成別後來之創雖曰官家掌故亦可爲一家之言古人於江西一道每不別分郡邑概曰豫章顧書多援入志雖病於失攷然晉唐時事多在州府傳聞異辭率因其舊初予薦鄒樹常靄春唐夢庚金生兩孝廉於江公鄒已七十昕夕無間閱兩載采輯略備予因所錄資前諸志之賅洽以其書自隨者且六年而始成鄒唐及在事諸君已多物故歐陽永叔云遭

時之士常視文章爲末事而又有不暇與不能者焉信矣夫稱志者必首言武功曰高簡尙已備用則失也未敢以爲法書視顧志已約十卷凡六十卷

建万物土必本乾樞分至土圭寒暑是依立變順違貞悔之幾述緯候志第一
版宇分合井里糾錯圉固險阻書蕃食貨山符澤節族毋側頗述方域志第二
彭蠡東匯贛盱中流災沈懷襄病涉綢繆鄭白千金利賴之尤述河渠志第三
司空度地都邑是程律軌鏡度規制用宏表宅型方昭民阜成述建置志第四
王政之首耕者九禹一詳則壤周言勿亟揚州之域於以維則述賦役志第五
友教于南人習鄒魯四姓偕敘文物攸著卓彼羅原濂洛踵武述學校志第六
主宰萬物實維神明禋享報賽格于民誠八政所崇聰聽和平述典祀志第七
政刑所出循良繫賴弼之以教莠稂弗害錫姓祚土亦匡不逮述官師志第八
公府朝廷惟賢共理有道弁漢百世興起作賓乞言人文之紀述選舉志第九
百里之寄亦有民社郎官應宿期門趣馬褒賢任子章紱之亞述仕籍志第十
史具列傳必悉里居雷謚熊羅實屬厥初隴西太原孰無聞諸述氏族志第十一

耆舊羣輔獨行高躅畸士異人蟠逸瞻矚豫章之書不盡所錄述人物志第十二
劉向憂漢特傳內則風化所被人懷貞烈柏舟行露有齊靡慝述列女志第十三
大雅未遙著作渾灝憲章彝典恢崇至道玄空明釋藻綺江鮑述藝文志第十四
漢嬰略定代有割竄罹毒女真金王尤慘雖非四塞靡甯喪亂述兵革志第十五
識緯五行實傳洪範四體著龜禍福先見蛇鬪星隕用告災變述祥異志第十六
民性所毗因習成俗水陸歧產燥溼殊育匪伊錄異以廣耳目述風土志第十七
前賢勝概日月斯永燕城蜚苑亦傳賦詠東林說遠荒陵記董述古蹟志第十八
詭忽難窮恒理或滯說苑叢書別居部次張公博物東方多識述雜傳志第十九